

Nevladine organizacije Helsinški parlament građana Banja Luka, Udruženje mladih novinara Republike Srpske – UMNO i Fondacija Cure iz Sarajeva ustanovljavaju novinarsku nagradu „*Srdan Aleksić*“ i o njoj donosi sljedeći Pravilnik:

P R A V I L N I K

Član 1.

Nagrada se dodjeljuje za novinarska ostvarenja koja afirmišu i promovišu profesionalno medijsko izvještavanje o marginalizovanim grupama u Bosni i Hercegovini i koja unapređuju etičke i profesionalne norme i rezultiraju konkretnim akcijama i pomacima u praksi.

Cilj nagrade je da motiviše novinare/ke da svojim izvještavanjem približe probleme i potrebe marginalizovanih grupa široj javnosti i da utiču na odgovorne institucije da kontinuirano rješavaju probleme marginalizovanih grupa.

Član 2.

Pod marginalizovanim grupama podrazumijevamo grupe koje su na periferiji, neuticajne i koje su uskraćene za pristup socijalnim, ekonomskim, političkim i kulturnim pravima koja su dostupna drugima. U marginalizovane grupe ubrajamo: stare ljude, dugotrajno nezaposlene, jedno-roditeljske porodice, beskućnike, strance, rasne i etničke manjine, siromašne, žene, djecu i mlade, osobe sa invaliditetom (osobe sa posebnim potrebama), ratne veterane, izbjeglice i povratnike, osobe oboljele od teških bolesti, LGBTIQ populaciju (lesbian, gay, bisexual, transsexual, intersexual, queer) i manjinske vjerske grupe.

Član 3.

Temeljni kriteriji za dodjelu nagrada su pristup temi, složenost teme i zahtjevnost prikupljanja podataka, efekti koje je prilog ostvario, te kvalitet tehničke realizacije.

- a) kod pristupa temi će se ocjenjivati da li je tekst/prilog objektivna, korektna, izbalansirana, afirmativna, angažovana, istraživačka, polemična, itd..
- b) kod složenosti teme će se ocjenjivati broj kontaktiranih sagovornika i analiza problema. Prednost će biti data priložima/tekstovima u kojima su primjeri diskriminacije marginalizovanih grupa pokazani preko pojedinca/ke koji govori o konkretnim problemima koji su ga/je zadesili kao pripadnika grupe s margine.
- c) kod efekata će se vrednovati efekti koje je tekst/prilog već ostvario, ali i mogući dugoročni efekti. Prednost će biti data tekstovima/priložima koji nude rješenje problema o kojem se govori kroz usta zakonodavaca, izvršne vlasti ili stručnjaka/inje, te koji situaciju porede sa zemljama u okruženju ili Evropi koje su

određeni problem efikasno riješili kroz zakone ili na neki drugi način. Ostvareni efekti podrazumijevaju materijalnu i svaku drugu pomoć koju su pojedinci/ke ili više osoba već dobili na osnovu objavljenog medijskog priloga. Dugoročni efekti će se vrednovati na osnovu težine slučaja o kojem je tekst/prilog napravljen, po „težini“ i broju društvenih subjekata koji su se oglašili ili odazvali za njegovu rješavanje, te na osnovu pozitivnih emotivnih reakcija koje je izazvao.

- c) kod kvaliteta tehničke realizacije ocjenjivaće kvalitet i profesionalna obrada teme u tehnološkom, a ne samo u novinarskom smislu, posebno za RTV priloge, budući da od kvaliteta tehničke realizacije priloga zavisi i kvalitet percepcije slušatelja/gledatelja, a time i njihov uticaj na eventualnu promjenu.

Član 4.

Nagrade se dodjeljuju u četiri (5) kategorije:

- za tekstove u štampanim medijima do maksimalno 10.000 karaktera – do tri nagrade
- za radijske priloge dužne od 1 minut i 30 sekundi do 5 minuta – do tri nagrade
- za televizijske priloge dužine od 1 minut i 30 sekundi do 5 minuta – do tri nagrade
- za tekstove na web portalima do maksimalno 10.000 karaktera – do tri nagrade
- te za izvještavanje o marginaliziranim grupama u kontinuitetu – jedna novinarska nagrada i plaketa za medij

Žiri će svaki od medija ocjenjivati pojedinačno zbog različitosti tehnologije i načina realizacije priloga.

Propisane dužine teksta/priloga se moraju poštovati. Tekstovi/prilozi koji ne budu zadovoljavali propisane dužine neće se uzimati u razmatranje.

Član 5.

Prijedlozi za nagrade se podnose na osnovu konkursa koji će biti objavljen u štampanim i elektronskim medijima, kao i na web stranicama organizacija koje nagradu ustanovljavaju. Nagrade će biti dodijeljene u mjesecu maju naredne godine.

Novinari/ke mogu poslati maksimalno 3 priloga/teksta na konkurs.

Za promociju nagrade koristiće se resursi svih medija u BiH, posebno onih najutjecajnijih kako bi informacija o ovoj nagradi postala nekom vrstom opšte-društvenog vlasništva.

U obzir će se uzeti samo radovi objavljeni ili emitovani od dana raspisivanja konkursa do 31. marta naredne godine. Za prijavu kandidata iz štampanih medija važno je da se na fotokopiji ili skeniranom tekstu jasno vidi logo novine, portala, potpis autora i datum objavljivanja. Forma prijave za TV je DVD ili SVHS snimak, a za radio MP3 ili CD. Prijave sa kopijama objavljenih tekstova moraju imati potvrdu urednika. Kandidati i kandidatkinje trebaju dostaviti i kratak CV. Uz prijave za web portale potrebno je

dostaviti link i datum objavljivanja teksta, a ako tekst više nije dostupan potrebna je potvrda urednika.

Tekstove i priloge za nagrade mogu predlagati redakcije, urednici i novinari i udruženja marginalizovanih grupa.

Član 6.

Za novinarske nagrade pokušaće se obezbijediti novčani fond od 10 000 KM.

Za izvještavanje o marginaliziranim grupama u kontinuitetu biće dodijeljena **posebna nagrada.**

Član 7.

Petočlani žiri za dodjelu nagrada će činiti predstavnik jedne od organizacije koje konkurs raspisuje, jedan predstavnik OCD-a, te predstavnici medija ili medijski eksperti.

Članovi žirija ne mogu konkurisati za nagradu.

Odluku o nagradi žiri donosi konsenzusom ili glasovima četiri člana

Odluka o nagradi, koju potpisuju svi članovi žirija, sadržavaće pismeno obrazloženje o dodjeljivanju nagrade.

Nagrada u bilo kojoj od kategorija ne mora biti dodijeljena ukoliko žiri ocijeni da nijedan prijavljeni rad ne zavrđuje priznanje.

Član 8.

Prijedlozi za nagradu (sa naznakom: *za konkurs*) dostavljaju se na adresu:

Helsinški parlament građana Banja Luka
na adresu: Krfska 84 , 78000 Banja Luka ili
na e-mail azolja@hcabl.org